

思本记叙

尤物本乎天人本乎祖根本不厚虽守仕行义皆袭取也珠生甫十岁先大人宦粤囑以 祖先生忌日随分致祭珠奉其言如期书祀必诚必敬未敢稍懈自是而壮而老数十年间曷尝一日忍忘诸怀耳尝读支谱自 六世祖以上或无生忌日时者或未载安厝地名者或并忘其配姓者珠每持问 先大人叹息者久之迺拭淚以告曰我 祖籍江西吉安府吉水县地名谷村自大元至正辛巳岁 重^{十九}公花树下分派徙居潭州府湘阴怀西乡之荆塘村故以二公为湘阴李氏一世祖也厥后两房支庶繁衍其所恃以通亲疎合远近而无间者则有家谱殊经 圣天子革命兵燹之余流离迁徙不独 先人著作罕有存者即我族家谱从此遗忘可胜悼哉珠也闻命之下已不能不俯首而痛心

则今日身当离乱益怆然于根本之思人家所奉恃有神主自癸未一变十户不能存一矣谓有家谱可考并家谱久已无复存焉者矣呜乎为人孙子不知其祖父之生忌与其所葬之地孝子贤孙之谓何其忍令祖宗在天之灵长此歉然抱憾也耶故当闻乱之初仝弟象琯将本支一脉伦叙世系生忌年月日时配姓安厝向址无考者则存阙交之义有据者务详记载之条各书一部名思本记佩之于身以志不忘庶几随期致祭不敢有薄于根本之大端云尔

顺治元年甲申岁季夏月上浣穀旦西平三十六世孙象珠敬
书于勅书楼